

— الله يكسبك وينجيك .. أنت طيب .. وإذا كان ربنا افكر  
اخويا واخده عنده .. بعثك لى نجدة من السما .

— لما قالوا لك أن أخوك .. « مات » فكرت تفعلى ايه ؟

— هوه أنا عاد فى تفكير .. ضاقت الدنيا بى .. أروح  
فين وأعمل ايه الرجل سابنا « وطفش » .. « هج » يا ولداه صحته  
على قده .. اتقهر .. هرب منا .. قلت فى عقل بالى .. مصر  
واسعة .. وأم الدنيا .. أروح لأخويا وأشتغل هناك .

— وفى البلد .. كنت تساعدى زوجك ؟

— أساعده فى كل شىء .. يدى بيده .. ساعات كنت أريخه  
وأشتغل أنا .. لكن زهق .. نفذ صبره .. المرض هذه ..

— أفضل شىء .. ترجعى البلد تانى .. تشتغلى هناك  
وتعيشى أنت وأولادك .. يمكن ربنا يشفيه ويعود ..

— لكن ..

— أفرضى أنى أخوك .. فسكرنا فى بعض ولقينا حل  
للمشكلة .. اتفضللى أجرة الرجوع .. وقرشين تدبرى بهم حالك .

( يعطيها كل النقود فى جيبه .. والتى وضعتها له  
عالم .. المرأة مندهشة وغير مصدقة )

( يعود الصبى ويجلس على الأرض .. يبدأ فى الأكل  
.. كأنها تدبر الفكرة فى رأسها وتصل الى مرحلة الاقتناع )

— أطلع الشغل بدل راجلى .. وربنا يعطينى القوة اى  
والله .. تبقى اتحلت .. طول الوقت كنت أساعده .. بالفاس